

hæc penetrare, absq; temeritatis præsumptione. Quod Seneca ita notauit. Aristoteles ait nunq̃ nos verecūdioreſ esse debere, q̃ cū de his agimus. & si in ōne argumentum modestia fungimur, quanto magis hoc facere debemus, cum de syderibus, de deorū natura, & stellis disputamus: ne quid temere, aut imprudenter, aut ignorantes affirmemus, aut scientes mentiamur? Nec miremur in eis tam tarde erudiri, quæ tam alte iacent. & item, Quis enim stellis limites ponit? Quis in angustum diuina compellit? hoc post tantum virum recitavi libens, vt & audaciam superbam in huiusmodi tractatibus reprimerem, & calūniæ responderem. Obijcitur enim, quòd ea quæ per astrologos traduntur, de distinctione cæli, per partes, per signa, gradus, & minuta: planetarum, per bonitatem & malitiam: graduum, per hoc quòd quidā lucidi, quidam vmbrosi: signorum, per calidum & frigidum, per masculinum & foemininum, & cætera satis talia, ratione nulla sufficienter fulciuntur: vt putentur magis fictiones poëticæ q̃ traditiones Philosopho dignæ. Sed non est mirandū, si ad cognoscendas rationes cælestiū nō attingimus: de quibus quando cōuincere non possimus propter quid est vnumquodq;: satis sit nostræ infirmitati, vel scire quia ita est, & ad hoc cōgruentias aliquas assignare. Sic enim nedum in iudicatiua astrologia, sed etiam in ea quæ